



Broj: 01-04-172/26-AP-5
Datum: 28.01.2026. godine

ZAPISNIK (IZVOD)

sa 14. sjednice Gradskog vijeća Zavidovići koja je održana, dana 28.01.2026. godine (srijeda) sa početkom u 11:00 sati u Velikoj sali zgrade gradskih organa Grada Zavidovići.

Sjednici Gradskog vijeća prisustvovalo je 29 vijećnika: Avdičević Amer - sjednici se priključio u 11:21 sati, Avdičević Zahid, Bašić Mirela sjednici se priključila u 11:22 sati, Buljubašić Demir, Čosić Omer, Dendić Sanela sjednici se priključila u 11:11 sati, Delić Elvira sjednici se priključila u 11:25 sati, Džindo Asim, Fejzić Rijad, Admir Fojnica, Hadžić Amira, Halilčević Indira, Huskić Elvedin, Huskić Hasib, Hodžić Haris, Ikanović Dževad, Sanel Jalmanović, Javrić Bajro, Amra Jupiće, Karajbić Anes, Pašić Indira, Polić Ajdin, Sinanović Asim, Sinanović Azra, Skejić Šemsudin, Šimšić Igor, Tursić Amir, Šehić Semir sjednici se priključio u 11:16 sati i Mehić Amir sjednici se priključio u 13:03 sati.

Ostali prisutni: Erna Merdić Smailhodžić – gradonačelnica Grada Zavidovići, Sekretar Gradskog vijeća - Samira Pinjić, Sekretar gradskog organa državne službe - Nermin Čahtarević, Midhat Bajramović - pomoćnik gradonačelnika Službe za upravu finansija, budžet i trezor, Izet Bašić pomoćnik gradonačelnika Službe za upravu civilne zaštite, Idriz Alihodžić – pomoćnik gradonačelnice Službe za poljoprivredu, vodoprivredu i komunalnih poslova i Remzo Sinanović - pomoćnik gradonačelnice Službe za upravu geodetskih, imovinskopravnih poslova i urbanizma, Selma Džaferović - uposlenica Službe za društvene djelatnosti, pitanja boraca i opću upravu.

Zapisnik i ostale administrativno tehničke poslove obavljali Vanesa Sačić - viši referent Stručne službe Gradskog vijeća i Azra Katardžić – lice na stručnom osposobljavanju u službama za upravu i posebnim službama Grada Zavidovići.

Poslove videosnimanja i livestreama vršio državni službenik Irnes Avdić – Stručni saradnik za informatiku, poslove administratora i računarske mreže, Stručna služba gradonačelnika.

Ispred sredstava informisanja sjednici prisustvovali: Željko Šlipogor - „Radio 1503 Zavidovići“ d.o.o. Zavidovići.

Na osnovu člana 81. Poslovnika o radu Gradskog vijeća Zavidovići, predsjedavajuća Gradskog vijeća predlaže verifikaciju Zapisnika (Izvod) sa 13. sjednice Gradskog vijeća održane dana 30.12.2025. godine, te poziva vijećnike da iznesu primjedbe na Zapisnik, ako iste postoje.

Predsjedavajuća daje Zapisnik na glasanje.

Nakon provedenog glasanja predsjedavajuća konstatuje da je Zapisnik sa 13. sjednice Gradskog vijeća sa 23 glasa ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići usvaja Zapisnik (Izvod) sa 13. sjednice Gradskog vijeća Zavidovići, održane dana 30.12.2025. godine, bez primjedbi.

2. Zaključak stupa na snagu odmah.

Na osnovu člana 61. Poslovnika o radu Gradskog vijeća Zavidovići, predsjedavajuća Gradskog vijeća, predlože dnevni red 14. sjednice Gradskog vijeća, kao slijedi:

Dnevni red:

1. Vijećnička pitanja, inicijative i odgovori.

Razmatranje vijećničkih inicijativa:

a) Inicijativa vijećnika Omera Ćosića za utvrđivanje javnog interesa za izgradnju nekategorisanog puta u naseljenom mjestu Potkleče.

b) Inicijativa vijećnika Harisa Hodžića za donošenje odluke o pokretanju aktivnosti na izradi projektne dokumentacije i sanaciju ceste na spoju ulica „Nikole Tesle“ i „Branilaca grada“.

c) Inicijativa vijećnika Igora Šimšića u ime Kluba vijećnika Socijaldemokratske partije BiH za izradu Plana i utvrđivanje javnog interesa identifikacije, lociranja i izgradnje oglasnih i informativnih mjesta na području grada i cijelom prostoru grada.

d) Inicijativa vijećnika Igora Šimšića u ime Kluba vijećnika Socijaldemokratske partije BiH za donošenje odluke o izradi projektne dokumentacije, rekonstrukcije i aktivnosti izgradnje ulice „Matije Gupca“, sa svim pratećim elementima saobraćajnice.

e) Inicijativa vijećnice Mirele Bašić za asfaltiranje Ulice „Hasana Kikića“, u naselju Podubravlje, Mjesna zajednica „Dubravica“.

f) Inicijativa vijećnika Zahida Avdičevića za izmjenu Odluke o obilježavanju značajnih datuma Grada Zavidovića u dijelu nosioci aktivnosti gdje su mjesne zajednice izostavljene, a trebale bi biti u istom položaju kao i ostali nosioci aktivnosti prilikom obilježavanja značajnih datuma. Također, trebalo bi izmijeniti i način finansiranja samih manifestacija, odnosno samom Odlukom definisati raspodjelu sredstava.

g) Inicijativa vijećnika Semira Šehića za dopunu Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići.

h) Inicijativa vijećnika Asima Džinde u ime Kluba vijećnika Socijaldemokratske partije BiH za sufinansiranje studentskog prevoza na relacijama koje povezuju Grad Zavidović sa univerzitetskim centrima u BiH.

i) Inicijativa vijećnika Asima Džinde da se Policijskoj stanici Zavidovići omogući pristup postojećem sistemu videonadzora u pothodniku između ulice „Stjepana Radića“ i „Maršala Tita“.

j) Inicijativa vijećnika Zahida Avdičevića za hitnu sanaciju lokalne ceste Zavidovići - Stavci - Gornji Kovači;

k) Inicijativa vijećnika Zahida Avdičevića za izgradnju Spomen-obilježja na Kleku Grada Zavidovića.

l) Inicijativa vijećnika Šemsudina Skejića za donošenje odluke o izradi liste prioriteta realizacije infrastrukturnih projekata u 2026. godini.

m) Inicijativa vijećnika Demira Buljubašića da se oslobodi uzurpirana teritorija na lokaciji k.č. 1700/1 od JU Gimnazija „Rizah Odžević“.

2. Ponovno razmatranje Prijedloga Statuta Grada Zavidovići sa Izvještajem o provedenoj javnoj raspravi.

(izvjestilac: Džemanina Memagić, predsjednica Komisije za Statut i propise)

3. Prijedlog Odluke o izmjenama Odluke o komunalnim taksama općine Zavidovići.

(izvjestilac): Midhat Bajramović, pomoćnik gradonačelnika Službe za upravu finansija, budžet i trezor)

4. Prijedlog Odluke o finansiranju redovnog rada mjesnih zajednica u 2026. godini.
(**izvjestilac:** Jasmin Mahmutović, pomoćnik gradonačelnika Službe za upravu društvenih djelatnosti, pitanja boraca i opću upravu)
5. Izvještaj o finansijskoj reviziji JKP „Radnik” d.o.o. Zavidovići za 2024. godinu.
(**izvjestioci:** Idriz Alihodžić, pomoćnik gradonačelnika Službe za upravu poljoprivrede, vodoprivrede i komunalnih poslova i Jasmin Šarić, direktor JKP „Radnik“ d.o.o. Zavidovići)
6. Informacija po tački 1. Zaključka Kolegija Gradskog vijeća Zavidovići, broj: 01-04-4/25-AP-2028 od 18.11.2025. godine, veza dopis IP “Krivaja” d.o.o. Zavidovići – stečaju, javna prodaja nekretnina „Vila Krivaja”.
(**izvjestilac:** Nermin Čahtarević, sekretar gradskog organa državne službe)
7. Izvještaj o dinamici izrade Urbanističkog plana Grada Zavidovići za period oktobar – decembar 2025. godine.
(**izvjestilac:** Remzo Sinanović, pomoćnik gradonačelnika Službe za upravu geodetskih, imovinskopравnih poslova i urbanizam)
8. Izvještaj o prikupljanju neeksplozivnih ubojitih sredstava (NUS) i minskoeksplozivnih sredstava (MES) i deminiranoj teritoriji na području Grada Zavidovići u toku 2025. godine.
(**izvjestilac:** Izet Bašić, pomoćnik gradonačelnika Službe za upravu civilne zaštite)

Gradonačelnica je u skladu sa članom 61. stav (8). Poslovnika o radu Gradskog vijeća Zavidovići – novi prečišćeni tekst, uputila Prijedlog za promjenu predloženog dnevnog reda 14. sjednice Gradskog vijeća Zavidovići, kojim se predlaže da se u dnevni red uvrsti tačka Ad. 1 - Razmatranje vijećničkih inicijativa, n) Inicijativa vijećnika Admira Fojnice za izgradnju terena za boćanje na području Grada Zavidovići.

Predsjedavajuća daje prijedlog za promjenu dnevnog reda na glasanje.

Nakon provedenog glasanja predsjedavajuća konstatuje da je prijedlog promjene dnevnog reda sa 20 glasova ZA, 0 glasova PROTIV, i 4 glasa UZDRŽANO, dobio potrebnu većinu te je isti usvojen.

Predsjedavajuća daje predloženi dnevni red 14. sjednice sa usvojenim Prijedlogom promjene predloženog dnevnog reda Gradskog vijeća na glasanje.

Nakon provedenog glasanja predsjedavajuća konstatuje da je dnevni red 14. sjednice Gradskog vijeća sa 24 glasa ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići usvaja predloženi dnevni red 14. sjednice Gradskog vijeća Zavidovići, s tim da se u tački 1. Razmatranje vijećničkih inicijativa, iza podtačke m) dodaje nova podtačka n), koja glasi: „n) Inicijativa vijećnika Admira Fojnice za izgradnju terena za boćanje na području Grada Zavidovići.“
2. Zaključak stupa na snagu odmah i čini sastavni dio dokumentacije Gradskog vijeća.

Rad po dnevnom redu

Ad.1. Vijećnička pitanja, inicijative i odgovori.

Haris Hodžić

PREDMET: Vijećničko pitanje

„Na osnovu članova 8. i 87. Poslovnika o radu Općinskog vijeća Zavidovići, kao vijećnik Gradskog vijeća Zavidovići postavljam sljedeće vijećničko pitanje: Tražim od

nadležne gradske službe da nam dostavi informaciju kada građani naseljenog mjesta Brezik mogu očekivati sanaciju klizišta na putu prema naseljenim mjestima Brezik, Lug i Memići neposredno iza lokalnog mosta na rijeci Krivaja ?

Obrazloženje:

Mještani mjesne zajednice Brezik već nekoliko godina se suočavaju sa problematikom aktivnog klizištana glavnoj putnoj komunikaciji prema naseljenim mjestima Lug, Memići i Brezik. Prema informacijama sa terena, od Grada Zavidovići veću duži period imaju samo obećanja da će obezbijediti interventna sredstva, prvenstveno za sanaciju klizišta iza lokalnog mosta na rijeci Krivaje kao i za asfaltiranje ove dionice puta.

Direktno pitanje:

Tražim od nadležne gradske službe da nam dostavi tačnu informaciju kada i u kojem iznosu će grad Zavidovići finansirati aktivnosti sanacije klizišta mještana naseljenog mjesta Brezik, i kada građani mjesne zajednice Brezik mogu očekivati asfaltiranje ove dionice puta duž zone klizišta? Od nadležnih zahtijevam jasne odgovore u pisanoj formi. Vijećničko pitanje upućuje se nadležnoj gradskoj službi.“

Ajdin Polić

PREDMET: Vijećnička inicijativa

„U skladu sa članom 8., 87. i 109. Poslovnika o radu Općinskog vijeća Zavidovići, podnosim sljedeću inicijativu:

Za osnivanje „Transfera za dodjelu pomoći porodicama sa troje i više djece u školskoj / akademskoj 2026/2027 godini“ u budžetu Grada Zavidovići za 2026. godinu kroz donošenje rebalansa budžeta. O realizaciji ove inicijative starat će se Gradonačelnica sa stručnim službama. Za realizaciju ove inicijative izdvojiti potrebna sredstva iz budžeta Grada Zavidovići za 2026. godinu u iznosu 60.000 KM umanjnjem stavke “Izdaci za nabavku kompleksa – „Vila” - IP “Krivaja” d.o.o. - u stečaju”.

OBRAZLOŽENJE

Predložena inicijativa ima za cilj preraspodjelu budžetskih sredstava u skladu sa aktuelnim socioekonomskim okolnostima i stvarnim potrebama građana Grada Zavidovići. U posljednjem periodu evidentan je kontinuiran rast cijena osnovnih životnih namirnica, energenata, komunalnih usluga, kao i troškova obrazovanja, stanovanja i zdravstvene zaštite. Ovakva kretanja imaju posebno izražen negativan uticaj na porodice sa troje i više djece, koje su zbog povećanih troškova života izložene dodatnom finansijskom opterećenju. Smatramo da je neophodno da Grad Zavidovići, u okviru svojih budžetskih mogućnosti, pruži konkretnu i ciljanu podršku ovim porodicama, naročito u školskoj / akademskoj 2026/2027 godini, kada su troškovi školovanja djece posebno izraženi. Uvođenjem novog transfera u iznosu od 60.000,00 KM omogućilo bise ublažavanje negativnih efekata rasta životnih troškova i unaprijedio socijalni položaj višečlanih porodica. Sredstva za ovu namjenu obezbjeđuju se umanjnjem stavke “Izdaci za nabavku kompleksa “Vila” - IP “Krivaja” d.o.o. - u stečaju”, čime se ne ugrožava funkcionisanje Grada, dok se istovremeno sredstva preusmjeravaju ka direktnoj podršci građanima i socijalno osjetljivim kategorijama stanovništva. Predložena inicijativa je u skladu sa principima socijalne odgovornosti, demografske politike i ravnomjernog društvenog razvoja, te predstavlja opravdan i nužan odgovor na rast osnovnih životnih troškova i potrebu jačanja podrške porodicama sa više djece. U prilogu inicijative dostavljam i prijedlog javnog poziva.“

„PRIMJER JAVNOG POZIVA

Javni poziv za podnošenje prijava za dodjelu sredstava sa Transfera za dodjelu pomoći porodicama sa troje i više djece u školskoj / akademskoj 2026/2027 godini.

I

4

Predmet ovog Javnog poziva je prikupljanje prijava za dodjelu novčanih sredstava iz budžeta Grada Zavidovići za 2026. godinu, sa Transfera za dodjelu pomoći porodicama sa troje i više djece u školskoj / akademskoj 2026/2027 godini koji redovno pohađaju osnovno, srednje i visokoškolsko obrazovanje, u vidu jednokratne novčane pomoći u školskoj / akademskoj 2026/2027. godini.

II.

Za namjenu iz prethodne tačke u budžetu Grada Zavidovići predviđeno je 60.000 KM (slovima: šezdeset tisuća konvertibilnih maraka) koje će biti ravnomjerno raspoređene na svako dijete, uzimajući u obzir broj prijavljenih na Javni poziv.

III.

Uz prijavu na Javni poziv potrebno je priložiti,

- Kućnu listu,
- potvrdu škole / akademske ustanove da se nalaze na redovitom školovanju/studiranju,
- potvrdu banke o tekućem računu roditelja / staratelja.

IV.

Javni poziv ostaje otvoren 30 dana. Sve prijave je potrebno dostaviti u zatvorenoj koverti, na Protokol grada Zavidovići ili poštom na adresu sa naznakom „Prijava na javni poziv za dodjelu sredstava sa Transfera za dodjelu pomoći porodicama sa troje i više djece u školskoj / akademskoj 2026/2027 godini”. Neblagovremene, nepotpune i neuredne prijave neće biti razmatrane.“

Ajdin Polić

PREDMET: Vijećničko pitanje

„Poštovani, kao vijećnik Gradskog vijeća u skladu sa odredbama Poslovnika o radu Gradskog vijeća Zavidovići, postavljam vijećničko pitanje na koje tražim odgovor od Pomoćnika za komunalne poslove, poljoprivredu i vodoprivredu.

VIJEĆNIČKO PITANJE

Predmet: Upravljanje, zakonitost, finansijska transparentnost i nadzor nad mjesnim vodovodima

na području Grada Zavidovići

S obzirom da Grad Zavidovići, prema raspoloživim informacijama, ima preko 70 mjesnih vodovoda, kojima u praksi upravljaju građevinski odnosno vodovodni odbori građana, a pri čemu:

- ne postoji obaveza polaganja računa Gradskim organima,
- ne podnose se redovni izvještaji o radu i finansijskom poslovanju,
- ne provode se redovne kontrole zdravstvene ispravnosti vode,
- nije uspostavljen jedinstven sistem nadzora i evidencije,

dotatno ističem da postoje ozbiljne indicije da je kod pojedinih mjesnih vodovoda:

- vršeno odobravanje i naplata priključaka bez utvrđenih tehničkih kapaciteta izvorišta,
- da nije postojala jedinstvena ni transparentna cijena priključka,
- te da prikupljena sredstva nisu evidentirana u zvaničnim finansijskim tokovima,

zbog čega Grad danas nema pouzdanu evidenciju stvarnog broja korisnika mjesnih vodovoda.

U skladu s navedenim, postavljam sljedeće vijećničko pitanje:

1. Koji je pravni osnov po kojem građevinski/vodovodni odbori upravljaju mjesnim vodovodima i da li su formalno evidentirani kao upravljači kod Grada Zavidovići?
2. Da li Grad raspolaže jedinstvenim registrom mjesnih vodovoda, sa podacima o upravljačima, kapacitetima izvorišta, broju stvarnih korisnika i zdravstvenoj ispravnosti vode?
3. Da li je vršena provjera zakonitosti priključivanja korisnika na mjesne vodovode, posebno u

pogledu:

- usklađenosti broja priključaka sa kapacitetom izvorišta,
- postojanja odluka o visini cijene priključka,
- načina evidentiranja i trošenja prikupljenih sredstava?

4. Da li Grad posjeduje podatke ili dokumentaciju o:

- broju izdatih priključaka po mjesnom vodovodu,
- naplaćenim iznosima po osnovu priključaka,
- evidenciji stvarnih korisnika vode?

5. Da li je Grad izvršio ili planira izvršiti reviziju finansijskog poslovanja mjesnih vodovoda, te u slučaju utvrđenih nepravilnosti, poduzeti mjere iz svoje nadležnosti ili obavijestiti nadležne organe?

6. Da li je izvršena provjera građevinske i upotrebne dokumentacije za sve mjesne vodovode, te molimda se Gradskom vijeću dostavi objedinjena tabela za svih preko 70 vodovoda sa podacima o:

- pravnom statusu upravljača,
- postojanju građevinske i upotrebne dozvole,
- kapacitetu izvorišta i broju korisnika,
- cijenama priključaka i evidenciji naplate,
- posljednjim analizama zdravstvene ispravnosti vode.

7. Koje konkretne mjere Grad planira poduzeti radi:

- uspostavljanja zakonitog i transparentnog sistema upravljanja mjesnim vodovodima,
- sprečavanja neovlaštenog priključivanja i finansijskih zloupotreba,
- uvođenja jedinstvenih pravila i cijena priključaka,
- zaštite kapaciteta izvorišta i zdravlja stanovništva?

S obzirom da se radi o pitanju od izuzetnog javnog interesa, koje se odnosi na zdravlje građana, zakonitost upravljanja javnim resursima i finansijsku transparentnost, neuređeno stanje može imati dugoročne posljedice po vodosnabdijevanje, budžet Grada i povjerenje građana u institucije.

Odgovor na navedeno pitanje možete dostaviti u pisanoj formi, hvala.“

Sanel Jalmanović

PREDMET: Vijećnička inicijativa u ime Kluba Snaga naroda

„Na osnovu ovlaštenja iz Poslovnika o radu Gradskog vijeća Zavidovići, te u skladu sa odredbama člana 32. Zakona o zdravstvenoj zaštiti Federacije Bosne i Hercegovine („Službene novine FBiH“, broj 46/10, 75/13, 99/15 i 44/19), kojim se uređuje mreža zdravstvenih ustanova i osnivanje novih zdravstvenih kapaciteta, podnosim inicijativu za pokretanje postupka osnivanja regionalne specijalizirane bolnice / kliničkog centra nižeg nivoa u Zavidovićima.

Pravni osnov Inicijative zasniva se na:

- Zakonu o zdravstvenoj zaštiti Federacije BiH (član 32. i član 35.),
- Zakonu o pravima pacijenata Federacije BiH (član 5. - pravo na dostupnost zdravstvene zaštite),
- Strategiji razvoja zdravstva Federacije BiH 2021 - 2027,
- Ustavnim načelima o pravu građana na zdravstvenu zaštitu (član 11/3 Ustava FBiH).

Obrazloženje

1. Geografski položaj: Zavidovići se nalazi u središnjem dijelu Federacije BiH, na raskrsnici komunikacija između Zenice, Maglaja, Žepča i Kaknja.
2. Demografske potrebe: Stanovništvo regije broji više desetina hiljada građana koji su trenutno upućeni na udaljene kliničke centre u Zenici, Tuzli i Sarajevu.

3. Smanjenje opterećenja: Osnivanjem specijalizirane regionalne bolnice u Zavidovićima smanjio bi se pritisak na postojeće kliničke centre, a pacijentima bi se omogućila pravovremena i dostupna zdravstvena usluga.

Ciljevi:

- Uspostavljanje odjela interne medicine, hirurgije, ginekologije, pedijatrije i hitne medicinske pomoći.
- Formiranje dijagnostičkog centra (radiologija, laboratorijska dijagnostika).
- Edukacija i obuka medicinskog kadra u saradnji sa univerzitetima i medicinskim fakultetima.
- Povećanje dostupnosti zdravstvenih usluga i smanjenje troškova pacijenata.

Plan realizacije

Faza I: Izrada studije izvodljivosti i procjena potreba.

Faza II: Osiguranje finansijskih sredstava iz budžeta Federacije BiH, kantonalnih budžeta, EU fondova i kroz javno-privatna partnerstva.

Faza III: Izgradnja i opremanje objekta u skladu sa važećim propisima.

Faza IV: Postepeno otvaranje odjela i zapošljavanje kadra uz saglasnost nadležnih organa.

Ostaje u Domu zdravlja: Porodična medicina, Pedijatrija, Preventivni programi, Vakcinacija, Savjetovališta, Stomatologija, Mentalno zdravlje (ambulantni nivo), Kućno liječenje i patronaža,

Hronični pacijenti (kontrola, terapije). Dom zdravlja ostaje kontaktna tačka za većinu građana.

Šta se izdvaja / nadograđuje prelazi u novi bolnički blok: Hitna medicinska pomoć (funkcionalno, ne kadrovski ugašena), Urgentni prijem, Opservacija (24-72 sata), Kratkotrajna hospitalizacija, Interna medicina, Hirurgija (opća + traumatologija), Ginekologija (osnovni porodi), Dijagnostika (RTG, CT, laboratorij). Ovo je suštinska razlika između DZ-a i bolnice. "Dom zdravlja liječi i prati, a bolnički dio interveniše i spašava život."

Predlažem takođe da se ova inicijativa uputi:

- Ministarstvu zdravstva Federacije BiH,
- Vladi Zeničko-dobojskog kantona, radi pokretanja postupka osnivanja regionalne specijalizirane bolnice u skladu sa zakonskim propisima i strateškim dokumentima Federacije BiH.

Omer Ćosić

PREDMET: Vijećnička inicijativa

„U skladu sa Poslovníkom o radu Gradskog vijeća Zavidovići, član 171.a i 171.b u ime dijela mještana u ulici „Husein kapetana Gradašćevića“ podnosim inicijativu za postavljanje, tj. označavanje pješačkog prijelaza u ulici „Husein kapetana Gradašćevića“, i to na dijelu između lovačkog doma i stambenih zgrada u naselju „Gaj“ i drugi na dijelu ulice gdje je raskrsnica sa putom za naseljeno mjesto Potkleče.

Obrazloženje:

Ulica „Husein kapetana Gradašćevića“ cijelom svojom dužinom se pruža u prvoj urbanoj zoni tj. centru grada i izuzetno je prometna. Pješački prijelaze nalaze se samo na dvije raskrsnice, međusobno udaljenje oko 150 metara. Drugi dio ove ulice dužine oko 400 metara, koji sa južne strane prolazi pokraj Gradskog dječijeg vrtića, Prve osnovne škole i Gradskog stadiona, nema uopšte pješačkog prijelaza. U ovom dijelu ulice se zaustavljaju i autobusi koji vrše prijevoz djece u školu i iz škole. Samo ovo bi bili dovoljni razlozi za realizaciju ove inicijative. Dakle, frekvencija pješaka u navedenom dijelu ove ulice nameće potrebu za postavljanje i označavanje ovih pješačkih prijelaza.“

Omer Ćosić

PREDMET: Vijećnička inicijativa

„Drugu inicijativu podnosim za uređenje autobusnog stajališta po standardima saobraćajne struke i potrebama koje postoje kod prijevoza učenika u Prvu osnovnu školu. Već sam spomenuo da se u ulici „Husein kapetana Gradašćevića“ kod Prve osnovne škole zaustavljaju autobusi koji prevoze djecu u školu. Zaustavljanje autobusa se vrši na prometnoj cesti, na mjestu koji nije označeno kao autobusko stajalište, a pogotovo kao stajalište za autobuse koji vrše prijevoz školske djece. Pozivam uvaženu Gradonačelnicu da odmah uputi nalog nadležnim službama da hitno izvrše nadzor lica mjesta i sačine prijedlog mjera i elaborat za izgradnju autobusnog stajališta za ovu svrhu.

Već sam spomenuo raskrnicu sa putem za naseljeno mjesto Potkleče, koja je preko puta ovog stajališta. Ovi autobusi se okreću na ovoj raskrsnici. Taj dio puta je uzak, zakrčen parkiranim autima, radnim mašinama itd. Potrebno je da se u sklopu ovih aktivnosti uredi i ova raskrsnica za neometan saobraćaj vozila, te da se na istoj izvrši stručna horizontalna i vertikalna signalizacija.“

Azra Sinanović

PREDMET: Vijećnička inicijativa u ime Kluba Snaga naroda

„Na osnovu ovlaštenja iz Poslovnika o radu Gradskog vijeća Zavidovići, te u skladu sa odredbama Zakona o zaštiti i dobrobiti životinja Bosne i Hercegovine („Službeni glasnik BiH“, broj: 25/09), podnosim Gradskom vijeću Zavidovići

INICIJATIVU za formiranje higijenskog servisa za zbrinjavanje pasa lualica na području Grada Zavidovići.

Obrazloženje:

Na području Grada Zavidovići evidentiran je povećan broj pasa lualica, što predstavlja rizik za javnu sigurnost, zdravlje građana i dobrobit životinja. Grad je, u skladu sa državnim zakonom, dužan osigurati uslove za hvatanje, privremeni smještaj, veterinarski tretman i zbrinjavanje pasa lualica. Formiranjem higijenskog servisa Grad bi ispunio zakonske obaveze i osiguraosistemska rješenje ovog problema.

Prijedlog mjera:

1. Osnivanje higijenskog servisa u okviru nadležnog komunalnog preduzeća.
2. Uspostavljanje skloništa sa kapacitetom prilagođenim potrebama lokalne zajednice.
3. Zapošljavanje stručnog kadra (veterinari, tehničari, radnici za hvatanje i njegu).
4. Uspostavljanje saradnje sa nevladinim organizacijama i volonterima.
5. Donošenje lokalnih propisa o obaveznoj registraciji i sterilizaciji pasa.
6. Finansiranje servisa kroz budžet Grada Zavidovići, uz mogućnost donacijai projekata, te prihoda po osnovu registracije kućnih ljubimaca.

Očekivani rezultati:

- Smanjenje broja pasa lualica na ulicama.
- Povećanje sigurnosti građana.
- Pобољшanje dobrobiti životinja.
- Razvoj svijesti o odgovornom vlasništvu.

Predlažemo da Gradsko vijeće Zavidovići razmotri ovu inicijativu, te da nadležni organi pokrenu postupak formiranja higijenskog servisa za zbrinjavanje pasa lualica, u skladu sa zakonskim propisima i potrebama lokalne zajednice.“

Amer Avdičević

PREDMET: Vijećničko pitanje

„S obzirom da smo kroz izvještaje o izvršavanju budžeta Grada Zavidovici uvidjeli da sredstva planirana za subvenciju razvoja poljoprivrede ne budu utrošena u punom kapacitetu,

tražim od nadležne Gradske službe da dostavi kriterijie odnosno Poziv na osnovu kojeg se poljoprivrednici prijavljuju i ostvaruju određene podsticaje u poljoprivrednim aktivnostima, mišljenje službe i mogući razlozi neutrosenih sredstava iz ovog transfera, te mogući izazovi sa kojima se susreću naši poljoprivrednici u nemogućnosti ostvarivanja ovih prava. Molim da mi se dostavi sve u pisanoj formi.“

Amer Avdičević

PREDMET: Vijećničko pitanje

„S obzirom da smo kroz izvještaje o izvršavanju budžeta mogli uvidjeti da sredstva sa subvenciju privrede i zapošljavanja također nisu utrošena u potpunosti pa čak u veoma malom iznosu, pitanje nadležnoj Službi šta su eventualni razlozi nemogućnosti ostvarivanja podsticaja za naše privrednike i obrtnike?“

Asim Džindo

PREDMET: Vijećničko pitanje u ime Kluba vijećnika SDP

„Na osnovu članova 8. i 87. Poslovnika o radu Gradskog vijeća Zavidovići, u ime Kluba vijećnika Socijaldemokratske partije BiH, kao vijećnik Gradskog vijeća Zavidovići upućujem sljedeće vijećničko pitanje građevinskom inspektoru Grada Zavidovići:

S obzirom na to da se na katastarskoj parceli broj 626/2, KO Zavidovići nalazi napušten i oštećen objekat koji je u proteklom periodu više puta bio zahvaćen požarom, te da se isti učestalo koristi za okupljanje osoba koje borave u neadekvatnim i nesigurnim uslovima, postavljam sljedeća pitanja:

1. Da li je građevinski inspektor do sada izlazio na teren i vršio uvid u stanje navedenog objekta?
2. Ukoliko jeste, kada je izvršen posljednji inspekcijski nadzor i kakav je nalaz o sigurnosnom stanju objekta?
3. Ukoliko nije izvršen inspekcijski nadzor, da li će inspektor po službenoj dužnosti izaći na teren i izvršiti procjenu stanja objekta?
4. Da li objekat u postojećem stanju predstavlja opasnost po okolne objekte, imovinu i sigurnost građana, uključujući rizik od urušavanja?
5. Da li postoji povećan rizik da objekat ponovo bude zahvaćen požarom, te da se eventualna paljevina proširi na susjedne objekte?
6. Da li su do sada zaprimane prijave u vezi s ovim objektom i da li je po istima postupano u skladu sa zakonom?

Molim da mi se dostavi pisani odgovor, sa jasnim nalazom o sigurnosnom stanju objekta i informacijom o eventualnim daljnjim koracima nadležnih organa.

Vijećničko pitanje upućuje se građevinskom inspektoru Grada Zavidovići.“

Amira Hadžić: „Ja nemam više prijavljenih. Prelazimo na usmene odgovore ako ih ima? Nema, a čini mi se da nije niko ni tražio. U redu, prelazimo na izjašnjavanje po odgovorima sa ranijih sjednica. Pitam gospodina Skejić Šemsudina, da li je zadovoljan dopunom odgovora na pitanje sa 12. sjednice?“

Šemsudin Skejić: „Ovdje se radi o otežanom korištenju autobuskih stajališta u ulici „Zlatnih ljiljana“ Ja sam dobio odgovor kojim sam u principu zadovoljan, ali nisam zadovoljan jer se ništa ne dešava po tom pitanju. Mjesec dana je prošlo od odgovora i nema pomaka. Ja se nadam da će Policijska stanica Zavidovići poduzeti određene korake kako bi se taj problem sistemski riješio. Hvala.“

Amira Hadžić: „Hvala gospodine Skejiću. Sanel Jalmanović nije bio prisutan na 13. sjednici pa ga pitam da li je zadovoljan odgovorom na njegova pitanja sa 12. sjednice?“

Sanel Jalmanović: „Da.“

Amira Hadžić: „Hvala. Prelazimo sada na izjašnjavanje po odgovorima sa 13. sjednice Gradskog vijeća. Gospodin Haris Hodžić, da li ste zadovoljni odgovorima?”

Haris Hodžić: „Ne, imam dopunsko na dva pitanja. Ja ću evo pozvati Gradonačelnicu, Sekretara, Gradsku upravu “...” da se uozbilje i da počnu da nam dostavljaju odgovore. Direktno pitanje. Zašto skrivate javnu dokumentaciju, pristup javnim dokumentima? Pod jedan, “...” (nerazgovjetno na snimku) po pitanju asfaltiranja platoa ispred Doma kulture, jasno sam postavio pitanje, kada ste to uradili i da mi dostavite kopiju ugovora. Sve ste odgovorili samo niste to uradili.

Drugo pitanje. Kada je u pitanju odlaganje otpada, svjesno “...” evo ovdje je i direktor Komunalnog, niste dostavili odgovor, gdje ste odložili otpad, šta ste uradili sa otpadom? Zašto ne dostavljate odgovor? Dalje, tražio sam da kao Gradska uprava, uputite komunalnoj, kantonalnoj inspekciji, što niste uputili? Ni vi niste dali očitovanje po ovom pitanju. Sekretaru, gledam Vas kao zakonskog predstavnika zakonskog rada Gradske uprave, i Vi ste “...” nesavjestan rad, zloupotreba položaja, skrivanje javne dokumentacije. Ja ću dati 15 dana roka vama, da vi meni dostavite ovo, ako ne bude ovo, nemojte se iznenaditi ako vas pozovu gore iz tužilaštva da se “...”

Amira Hadžić: „Zahvaljujem gospodine Hodžiću. Gospodin Skejić Šemsudin, da li ste zadovoljni odgovorima?”

Šemsudin Skejić: „Na prva dva pitanja jesam, za pitanja 3,4 i 5 imam dopunska. Na 3. “...” djelimično, nisam ga shvatio, a 4 i 5 nema tu odgovora, a Služba će znati na šta se misli. U svakom slučaju bih pohvalio da su se potrudili da daju prave informacije. “...” (škripa stolice) ne određujem rok, nije to lahko ni odrediti u ovom slučaju, ali barem da znamo šta ćemo kada završi ovaj projekat, a iz ova dva prva odgovora vidim da projekat ide u pravom smjeru.”

Amira Hadžić: „Zahvaljujem gospodine Skejiću. Gospođa Azra Sinanović, da li ste zadovoljni odgovorima?”

Azra Sinanović: „Da.”

Amira Hadžić: „Zahvaljujem. Gospodin Igor Šimšić, da li ste zadovoljni odgovorima?”

Igor Šimšić: „Ne, i nemam dopunskih.”

Amira Hadžić: „Zahvaljujem. Gospodin Ajdin Polić, da li ste zadovoljni odgovorima?”

Ajdin Polić: „Da.”

Amira Hadžić: „Zahvaljujem. Gospodin Asim Džindo, da li ste zadovoljni odgovorima, imate li dopunskih?”

Asim Džindo: „Da.”

Amira Hadžić: „Zahvaljujem. Završili smo ovaj dio, sada prelazimo na izjašnjavanje po vijećničkim inicijativama sa ranijih sjednica.”

a) Inicijativa vijećnika Omera Ćosića za utvrđivanje javnog interesa za izgradnju nekategorisanog puta u naseljenom mjestu Potkleče.

Predsjedavajuća čita Stav po inicijativi - Inicijativa se prihvata.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 28 glasova ZA, 0 glasova PROTIV, 0 glasova UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Omera Ćosića za utvrđivanje javnog interesa za izgradnju nekategorisanog puta u naseljenom mjestu Potkleče.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu geodetskih, imovinskopravnih poslova i urbanizma i Gradsko pravobranilaštvo.

b) Inicijativa vijećnika Harisa Hodžića za donošenje odluke o pokretanju aktivnosti na izradi projektne dokumentacije i sanaciju ceste na spoju ulica „Nikole Tesle“ i „Branilaca grada“.

Predsjedavajuća čita Stav po inicijativi - Inicijativa se prihvata.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 27 glasova ZA, 1 glas PROTIV, 0 glasova UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Harisa Hodžića za donošenje odluke o pokretanju aktivnosti na izradi projektne dokumentacije i sanaciju ceste na spoju ulica „Nikole Tesle“ i „Branilaca grada“.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

c) Inicijativa vijećnika Igora Šimšića u ime Kluba vijećnika Socijaldemokratske partije BiH za izradu Plana i utvrđivanje javnog interesa identifikacije, lociranja i izgradnje oglasnih i informativnih mjesta na području grada i cijelom prostoru grada.

Predsjedavajuća čita Stav po inicijativi - Inicijativa se prihvata.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Igora Šimšića u ime Kluba vijećnika Socijaldemokratske partije BiH za izradu Plana i utvrđivanje javnog interesa identifikacije, lociranja i izgradnje oglasnih i informativnih mjesta na području grada i cijelom prostoru grada.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

d) Inicijativa vijećnika Igora Šimšića u ime Kluba vijećnika Socijaldemokratske partije BiH za donošenje odluke o izradi projektne dokumentacije, rekonstrukcije i aktivnosti izgradnje ulice „Matije Gupca“, sa svim pratećim elementima saobraćajnice.

Predsjedavajuća čita Stav po inicijativi - Inicijativa se prihvata.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Igora Šimšića u ime Kluba vijećnika Socijaldemokratske partije BiH za donošenje odluke o izradi projektne dokumentacije, rekonstrukcije i aktivnosti izgradnje ulice „Matije Gupca“, sa svim pratećim elementima saobraćajnice.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

e) Inicijativa vijećnice Mirele Bašić za asfaltiranje Ulice „Hasana Kikića“, u naselju Podubravlje, Mjesna zajednica „Dubravica“.

Predsjedavajuća čita Stav po inicijativi - Inicijativa se prihvata.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnice Mirele Bašić za asfaltiranje Ulice „Hasana Kikića“, u naselju Podubravlje, Mjesna zajednica „Dubravica“.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

f) Inicijativa vijećnika Zahida Avdičevića za izmjenu Odluke o obilježavanju značajnih datuma Grada Zavidovića u dijelu nosioci aktivnosti gdje su mjesne zajednice izostavljene, a trebale bi biti u istom položaju kao i ostali nosioci aktivnosti prilikom obilježavanja značajnih datuma. Također, trebalo bi izmijeniti i način finansiranja samih manifestacija, odnosno samom Odlukom definisati raspodjelu sredstava.

Predsjedavajuća čita Stav po inicijativi - Inicijativa se prihvata.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 27 glasova ZA, 0 glasova PROTIV, 0 glasova UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Zahida Avdičevića za izmjenu Odluke o obilježavanju značajnih datuma Grada Zavidovića u dijelu nosioci aktivnosti gdje su mjesne zajednice izostavljene, a trebale bi biti u istom položaju kao i ostali nosioci aktivnosti prilikom obilježavanja značajnih datuma. Također, trebalo bi izmijeniti i način finansiranja samih manifestacija, odnosno samom Odlukom definisati raspodjelu sredstava.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu društvenih djelatnosti, pitanja boraca i opću upravu.

g) Inicijativa vijećnika Semira Šehića za dopunu Odluke o osnovama i načinu isplate naknada i drugih primanja vijećnika i članova radnih tijela Gradskog vijeća Zavidovići.

Predsjedavajuća čita stav po inicijativi - Inicijativa se ne prihvata.

Predsjedavajuća pita vijećnika Šehić Semira da li povlači inicijativu ili traži izjašnjenje Vijeća.

Šehić Semir povlači inicijativu.

Na osnovu člana 171.a stav (8) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj. 7/2022 i 1/2023), vijećnik Semir Šehić je povukao predmetnu inicijativu uz obraloženje da će istu doraditi i postaviti na jednoj od narednih sjednica Gradskog vijeća.

h) Inicijativa vijećnika Asima Džinde u ime Kluba vijećnika Socijaldemokratske partije BiH za sufinansiranje studentskog prevoza na relacijama koje povezuju Grad Zavidovići sa univerzitetskim centrima u BiH.

Predsjedavajuća čita stav po inicijativi - Inicijativa se ne prihvata.

Predsjedavajuća pita vijećnika Džindu Asima da li povlači inicijativu ili traži izjašnjenje Vijeća.

Džindo Asim povlači inicijativu.

Na osnovu člana 171.a stav (8) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj. 7/2022 i 1/2023), vijećnik Asim Džindo je povukao predmetnu inicijativu uz obraloženje da će istu doraditi i postaviti na jednoj od narednih sjednica Gradskog vijeća.

i) Inicijativa vijećnika Asima Džinde da se Policijskoj stanici Zavidovići omogući pristup postojećem sistemu videonadzora u pothodniku između ulice "Stjepana Radića" i "Maršala Tita".

Predsjedavajuća čita Stav po inicijativi - Inicijativa se prihvata.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 28 glasova ZA, 0 glasova PROTIV, 0 glasova UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Asima Džinde da se Policijskoj stanici Zavidovići omogući pristup postojećem sistemu videonadzora u pothodniku između ulice „Stjepana Radića“ i „Maršala Tita“.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Stručna služba gradonačelnika.

j) Inicijativa vijećnika Zahida Avdičevića za hitnu sanaciju lokalne ceste Zavidovići-Stavci -Gornji Kovači.

Predsjedavajuća čita Stav po inicijativi - Inicijativa se prihvata.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 28 glasova ZA, 0 glasova PROTIV, 0 glasova UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Zahida Avdičevića za hitnu sanaciju lokalne ceste Zavidovići - Stavci - Gornji Kovači.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu privrede, lokalni razvoj, infrastrukturu i međunarodnu saradnju.

k) Inicijativa vijećnika Zahida Avdičevića za izgradnju Spomen-obilježja na Kleku Grada Zavidovića.

Predsjedavajuća čita Stav po inicijativi - Inicijativa se prihvata.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 28 glasova ZA, 0 glasova PROTIV, 0 glasova UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Zahida Avdičevića za izgradnju Spomen-obilježja na Kleku Grada Zavidovića

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu društvenih djelatnosti, pitanja boraca i opću upravu.

l) Inicijativa vijećnika Šemsudina Skejića za donošenje Odluke o izradi liste prioriteta realizacije infrastrukturnih projekata u 2026. godini.

Predsjedavajuća čita Stav po inicijativi - Inicijativa se prihvata.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 13 glasova ZA, 13 glasova PROTIV, 2 glasa UZDRŽANO, nije dobila potrebnu većinu, te ista nije usvojena.

ZAKLJUČAK

1. Gradsko vijeće Zavidovići odbija Inicijativu vijećnika Šemsudina Skejića za donošenje odluke o izradi liste prioriteta realizacije infrastrukturnih projekata u 2026. godini.

2. Zaključak stupa na snagu danom donošenja.

m) Inicijativa vijećnika Demira Buljubašića da se oslobodi uzurpirana teritorija na lokaciji k.č. 1700/1 od JU Gimnazija „Rizah Odžečkić“.

Predsjedavajuća čita Stav po inicijativi - Inicijativa se prihvata.

Predsjedavajuća daje inicijativu na glasanje.

Nakon provedenog glasanja predsjedavajuća konstatuje da je inicijativa sa 27 glasova ZA, 0 glasova PROTIV, 1 glasa UZDRŽANO, dobila potrebnu većinu, te je ista usvojena.

ZAKLJUČAK

1. Gradsko vijeće Zavidovići prihvata Inicijativu vijećnika Demira Buljubašića da se oslobodi uzurpirana teritorija na lokaciji k.č. 1700/1 od JU Gimnazija „Rizah Odžečkić“.

2. Zadužuje se Gradonačelnica sa nadležnom Službom za realizaciju predmetne Inicijative.

3. Zaključak stupa na snagu danom donošenja, a o njegovoj realizaciji starat će se Služba za upravu geodetskih, imovinskopравnih poslova i urbanizam.

n) Inicijativa vijećnika Admira Fojnice za izgradnju terena za boćanje na području Grada Zavidovići.

Predsjedavajuća čita stav po inicijativi - Inicijativa se ne prihvata.

Predsjedavajuća pita vijećnika Admira Fojnicu da li povlači inicijativu ili traži izjašnjenje Vijeća.

Admir Fojnica povlači inicijativu.

Na osnovu člana 171.a stav (8) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), vijećnik Admir Fojnica je povukao predmetnu inicijativu uz obraloženje da će istu doraditi i postaviti na jednoj od narednih sjednica Gradskog vijeća.

Ad.2. Ponovno razmatranje Prijedloga Statuta Grada Zavidovići sa Izvještajem o provedenoj javnoj raspravi.

Uvodno izlaganje: Džemanina Memagić - predsjednica Komisije za Statut i propise.

Rasprava: Ajdin Polić, Zahid Avdičević, Samira Pinjić.

Ajdin Polić predlaže zaključak: "... predlažem da se Statut vrati u formu Prednacrtu i da prođe ponovo sve faze..."

Zahid Avdičević traži pauzu u trajanju od 15 minuta u ime Kluba.

(Pauza 15 minuta)

Predsjedavajuća daje Zaključak Ajdina Polića na glasanje.

Nakon provedenog glasanja predsjedavajuća konstatuje da Zaključak sa 13 glasova ZA, 15 glasova PROTIV i 0 glasova UZDRŽANO, nije dobio potrebnu većinu te da isti nije usvojen.

Predsjedavajuća prije davanja Prijedloga Statuta na glasanje upoznaje vijeće da je za usvajanje Prijedloga Statuta potrebna 2/3 većina.

Predsjedavajuća daje Prijedlog Statuta na glasanje.

Nakon provedenog glasanja predsjedavajuća konstatuje da Prijedlog Statuta sa 15 glasova ZA, 5 glasova PROTIV, 8 glasova UZDRŽANO, nije dobio potrebnu većinu te da isti nije usvojen.

Hasib Huskić izražava sumnju u tačnost rezultata glasanja, te traži poimenično glasanje.

Nakon provedenog poimeničnog glasanja predsjedavajuća konstatuje da Prijedlog Statuta sa 15 glasova ZA, 8 glasova PROTIV i 5 glasova UZDRŽANO, nije dobio potrebnu većinu te da isti nije usvojen.

ZAKLJUČAK

1. Gradsko vijeće Zavidovići ponovo odbija Prijedlog Statuta Grada Zavidovići sa Izvještajem o provedenoj javnoj raspravi, broj: 01-04-2940/22-AP-24 od 26.10.2023. godine.

2. Zaključak stupa na snagu danom donošenja.

Hasib Huskić u ime Kluba vijećnika Stranke demokratske akcije traži pauzu od 10 minuta.

(Pauza 10 minuta)

Ad.3. Prijedlog Odluke o izmjenama Odluke o komunalnim taksama Općine Zavidovići.

Na osnovu člana 124. stav (6) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), Gradonačelnica je povukla Prijedlog Odluke o izmjenama Odluke o komunalnim taksama općine Zavidovići, radi izrade nove Odluke o komunalnim taksama Grada Zavidovići.

Ad.4. Prijedlog Odluke o finansiranju redovnog rada mjesnih zajednica u 2026. godini.
Uvodno izlaganje: Selma Džaferović.

Rasprava: Haris Hodžić.

Predsjedavajuća daje Prijedlog Odluke o finansiranju redovnog rada mjesnih zajednica u 2026. godini na glasanje.

Nakon provedenog glasanja predsjedavajuća konstatuje da je Prijedlog Odluke o finansiranju redovnog rada mjesnih zajednica u 2026. godini sa 20 glasova ZA, 5 glasova PROTIV, 2 glasa UZDRŽANO, dobio potrebnu većinu, te da je isti usvojen.

Ad.5. Izvještaj o finansijskoj reviziji JKP „Radnik” d.o.o. Zavidovići za 2024. godinu.

Uvodno izlaganje: Jasmin Šarić - direktor JKP „Radnik”.

Rasprava: Bez učesnika u raspravi.

Predsjedavajuća predlaže Zaključak.

Rasprava po Zaključku: Bez učesnika u raspravi.

Predsjedavajuća daje Zaključak na glasanje.

Nakon provedenog glasanja predsjedavajuća konstatuje da je Zaključak sa 28 glasova ZA, 0 glasova PROTIV, 0 glasova UZDRŽANO, dobio potrebnu većinu te je isti usvojen.

ZAKLJUČAK

1. Gradsko vijeće Zavidovići prima k znanju Izvještaj o finansijskoj reviziji JKP „Radnik” d.o.o. Zavidovići za 2024. godinu.

2. Gradsko vijeće Zavidovići zadužuje JKP „Radnik” d.o.o. Zavidovići da uz Izvještaj JKP „Radnik” d.o.o. Zavidovići o radu i finansijskom poslovanju JKP „Radnik” d.o.o. Zavidovići za 2025. godinu dostavi Plan i mjere otklanjanja slabosti i nepravilnosti utvrđenih u Izvještaju o finansijskoj reviziji JKP „Radnik” d.o.o. Zavidovići za 2024. godinu.

3. Zaključak stupa na snagu danom donošenja, a o njegovoj realizaciji starat će se direktor JKP „Radnik” d.o.o. Zavidovići i Služba za upravu poljoprivrede, vodoprivrede i komunalnih poslova.

Ad.6. Informacija po tački 1. Zaključka Kolegija Gradskog vijeća Zavidovići, broj 01-04-4/25-AP-2028 od 18.11.2025. godine, veza dopis IP „Krivaja” d.o.o. Zavidovići – u stečaju, javna prodaja nekretnina „Vila Krivaja”.

Uvodno izlaganje: Nermin Čahtarević.

Rasprava: Amira Hadžić, Skejić Šemsudin.

Skejić Šemsudin predlaže Sanela Jalmanovića za člana Tima za kupovinu „Vile”.

Predsjedavajuća daje pauzu u trajanju od 10 minuta i poziva članove Kolegija Gradskog vijeća radi usaglašavanja Zaključakana po predmetnoj tački dnevnog reda.

(Pauza 10 minuta)

Predsjedavajuća daje Zaključak koji je usaglašen na Kolegiju Gradskog vijeća na glasanje.

Nakon provedenog glasanja predsjedavajuća konstatuje da je Zaključak sa 22 glasa ZA, 0 glasova PROTIV, 3 glasa UZDRŽANO, dobio potrebnu većinu, te da je isti usvojen.

ZAKLJUČAK

1. Gradsko vijeće Zavidovići prima k znanju Informaciju po tački 1. Zaključka Kolegija Gradskog vijeća Zavidovići, broj: 01-04-4/25-AP-2028 od 18.11.2025. godine, veza dopis IP „Krivaja” d.o.o. Zavidovići – u stečaju, javna prodaja nekretnina „Vila Krivaja”.

2. Gradsko vijeće Zavidovići zadužuje Gradonačelnicu sa nadležnim službama da pripremi Odluku o izmjenama i dopunama Odluke o davanju saglasnosti Gradonačelniku

Grada Zavidovići za pristupanje postupku kupovine objekta „Vila Krivaja“ („Službeni glasnik Grada Zavidovići“, broj: 7/2022).

3. Gradsko vijeće Zavidovići imenuje Radnu grupu u sastavu: Šemsudin Skejić, Admir Fojnica i Omer Ćosić koji će zajedno sa Gradonačelnicom učestvovati u kupovini nekretnine „Vila Krivaja“, nakon usvajanja Odluke o izmjenama i dopunama Odluke niz tačke 2. predmetnog Zaključka.

4. Zaključak stupa na snagu danom donošenja, a o njegovoj realizaciji starat će Stručna služba gradonačelnika.

Ad.7. Izvještaj o dinamici izrade urbanističkog plana Grada Zavidovići za period oktobar - decembar 2025. godine.

Uvodno izlaganje: Nermin Džaferović.

Rasprava: Skejić Šemsudin, Avdičević Zahid, Nermin Džaferović.

Predsjedavajuća daje Zaključak na glasanje.

Nakon provedenog glasanja predsjedavajuća konstatuje da Zaključak sa 28 glasova ZA, 0 glasova PROTIV i 0 glasova UZDRŽANO, dobio potrebnu većinu, te da je isti usvojen.

Z A K L J U Č A K

1. Gradsko vijeće Zavidovići usvaja Izvještaj o dinamici izrade Urbanističkog plana Grada Zavidovići za period oktobar – decembar 2025. godine.

2. Zaključak stupa na snagu danom donošenja.

Ad.8. Izvještaj o prikupljanju neeksplozivnih ubojitih sredstava (NUS) i minsko-eksplozivnih sredstava (MES) i deminiranoj teritoriji na području Grada Zavidovići u toku 2025. godine.

Uvodno izlaganje: Bez uvodnog izlaganja.

Rasprava: Bez učesnika u raspravi.

Predsjedavajuća daje Izvještaj na glasanje.

Nakon provedenog glasanja predsjedavajuća konstatuje da je Izvještaj sa 28 glasova ZA, 0 glasova PROTIV, 0 glasova UZDRŽANO, dobio potrebnu većinu, te da je isti usvojen.

Z A K L J U Č A K

1. Gradsko vijeće Zavidovići usvaja Izvještaj o prikupljanju neeksplozivnih ubojitih sredstava (NUS) i minsko-eksplozivnih sredstava (MES) i deminiranoj teritoriji na području Grada Zavidovići u toku 2025. godine.

2. Zaključak stupa na snagu danom donošenja.

Sjednica zaključena u 13:40 sati.

ZAPISNIK SAČINIO

dipl. iur. Azra Katardžić

OVJERAVA

SEKRETAR GV- a

Samira Pinjić, dipl. pravnik

PREDSJEDAVAJUĆA
GRADSKOG VIJEĆA

Amira dr Hadžić, spec. radiolog